



BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

Broj: Sp-01-01-30-457-2/25
Sarajevo, 04.03.2025. godine

Na osnovu člana 87. stav (1) Zakona o sudskoj policiji u Federaciji Bosne i Hercegovine ("Službene novine Federacije BiH", broj 77/20) i tačke III Odluke o prijemu kadeta radi obuke i prijema u radni odnos u Sudsku policiju u Federaciji Bosne i Hercegovine, broj Sp-01-01-30-457-1/25 od 25.02.2025. godine, Sudska policija u Federaciji Bosne i Hercegovine, objavljuje

JAVNI KONKURS
za prijem kandidata - kadeta radi obuke i prijema u radni odnos
u Sudsku policiju u Federaciji Bosne i Hercegovine

I

(Nivo pristupa - čin i broj izvršilaca)

Sudska policija u Federaciji Bosne i Hercegovine (u daljem tekstu: Sudska policija) vrši prijem kandidata – kadeta za prvi nivo pristupa, radi upućivanja na obuku za službenika sudske policije i rasporeda na radno mjesto u činu „sudski policajac“, prema sljedećem:

- | | |
|---|---------------|
| 1. Centar sudske policije u Hercegovačko-neretvanskom kantonu, sa sjedištem u Mostaru | 7 izvršilaca; |
| 2. Centar sudske policije u Tuzlanskom kantonu, sa sjedištem u Tuzli | 7 izvršilaca; |
| 3. Centar sudske policije u Unsko-sanskom kantonu, sa sjedištem u Bihaću | 7 izvršilaca. |
| 4. Centar sudske policije u Posavskom kantonu, sa sjedištem u Odžaku | 4 izvršilaca; |
| 5. Centar sudske policije u Kantonu 10., sa sjedištem u Livnu | 3 izvršilaca; |
| 6. Centar sudske policije u Zapadno-hercegovačkom kantonu, sa sjedištem u Širokom Brijegu | 2 izvršilaca. |

II

(Opći i posebni uslovi)

Za zasnivanje radnog odnosa službenika sudske policije radi upućivanja na osnovnu obuku za kadeta kandidati moraju ispunjavati sljedeće opće i posebne uslove:

- državljanstvo Bosne i Hercegovine;
- životna dob između 18 i 27 godina života;
- SSS - IV stepen školske spreme;
- da je fizički i psihički sposoban za obavljanje poslova službenika Sudske policije;
- da nije otpušten sa bilo koje pozicije u organima državne uprave, institucije sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovine kao rezultat disciplinske sankcije;
- da protiv njega nije pokrenut krivični postupak ili da nije izrečena pravosnažna kazna zatvora za krivično djelo, osim za krivična djela protiv sigurnosti saobraćaja, u skladu sa krivičnim zakonodavstvom;
- da ima položen vozački ispit „B“ kategorije

III (Dokumentacija)

Uz prijavu na Javni konkurs kandidati su dužni dostaviti sljedeće dokumente:

- a) Dokaz o državljanstvu Bosne i Hercegovine - Uvjerenje o državljanstvu Bosne i Hercegovine - original ili ovjerena fotokopija (ne starije od 3 mjeseca);
- b) Izvod iz matične knjige rođenih - original ili ovjerena fotokopija („ukoliko nije trajni izvod iz matične knjige rođenih“, ne može biti stariji od 3 mjeseca);
- c) Prijava prebivališta (odgovarajući PBA obrazac), ne starija od 3 mjeseca (original ili ovjerena fotokopija);
- d) Dokaz o završenom IV stepenu stručne spreme - diplomu o završenoj srednjoj stručnoj spremi (ovjerena fotokopija diplome, a nostrificirana diploma ukoliko škola nije završena u Bosni i Hercegovini);
- e) Izjava kandidata ovjerena od strane nadležnog organa da kandidat nije otpušten sa bilo koje pozicije u organima državne uprave, institucije sa javnim ovlaštenjima na svim nivoima u Bosni i Hercegovini ili vojne službe u Bosni i Hercegovine kao rezultat disciplinske sankcije;
- f) Dokaz o položenom vozačkom ispitu „B“ kategorije – ovjerena fotokopija vozačke dozvole.

IV (Rok, način i mjesto prijavljivanja)

Prijava na Javni konkurs sa potrebnim dokumentima se obavezno podnosi na **posebnom prijavnom obrascu** koji se može preuzeti na web stranici Sudske policije u Federaciji Bosne i Hercegovine <http://sudpol-fbih.pravosudje.ba/>, na protokolu Sudske policije u zgradi pravosudnih institucija Federacije BiH, ulica Valtera Perića broj 15 Sarajevo ili u sjedištima centara sudske policije u kantonima (u zgradama kantonalnih sudova na teritoriju Federacije BiH).

Ukoliko se kandidat prijavljuje na radna mjesta koja su oglašena za različita mjesta rada, popunjava samo jedan obrazac prijave, te u istom navodi redni broj radnog mjesta ili naziv radnog mjesta odnosno organizacione jedinice Sudske policije za koje se prijavljuje.

Prijava na Javni konkurs se podnosi u roku od 15 dana od dana objavljivanja Javnog konkursa u dnevnim novinama.

Kandidati dostavljaju uredno popunjenu i **potpisanu prijavu** sa potrebnom dokumentacijom **u zatvorenoj kovrti**, neposrednom predajom na protokol Sudske policije (zgrada pravosudnih institucija Federacije BiH, ulica: Valtera Perića broj 15 Sarajevo) ili preporučenom poštom na adresu **Sudska policija u Federaciji Bosne i Hercegovine, ulica Valtera Perića broj 15, 71000 Sarajevo, uz obaveznu naznaku “JAVNI KONKURS - KOMISIJA ZA IZBOR - NE OTVARATI “**.

Nepotpune, neblagovremene i neuredne prijave, odnosno prijave koje nisu dostavljene u skladu sa tekstom ovog Javnog konkursa se neće uzeti u razmatranje. Sudska policija napominje da nema obavezu vršiti povrat dokumentacije prijavljenim kandidatima iz kojih razloga se kandidati upozoravaju na potrebu dostavljanja ovjerenih fotokopija ili originala koji im nisu potrebni.

NAPOMENA:

U skladu sa odredbama člana 92. stav (1) Zakona o sudskoj policiji u Federaciji Bosne i Hercegovine („Službene novine Federacije BiH“, broj 77/20) (u daljem tekstu: Zakon o sudskoj policiji), pozvani kandidat će sa ciljem utvrđivanja liste uspješnih kandidata iz člana 89. stav (1) tačka c) Zakona o sudskoj policiji, a u skladu sa oglašenim brojem radnih mjesta biti predmet osnovne sigurnosne provjere u skladu sa postupkom za izdavanje dozvole za

pristup tajnim podacima stepena "POVJERLJIVO" u skladu sa odredbama Zakona o zaštiti tajnih podataka ("Službeni glasnik BiH", br. 54/04 i 12/09), kao i odredbama podzakonskih propisa donesenih na osnovu navedenog zakona. U okviru sigurnosne provjere vršit će se i provjera općeg uslova "da protiv kandidata nije pokrenut krivični postupak ili da nije izrečena pravosnažna kazna zatvora za krivično djelo, osim za krivična djela protiv sigurnosti saobraćaja, u skladu sa krivičnim zakonodavstvom", **iz kojih razloga kandidati nisu dužni dostavljati uvjerenje da se ne vodi krivični postupak i uvjerenje o nekažnjavanju.**

Kandidat koji zadovolji sigurnosne provjere je u smislu odredbe člana 92. stav (2) Zakona o sudskoj policiji, sa ciljem utvrđivanja Liste kandidata koji se upućuju na obuku kadeta za obavljanje poslova službenika sudske policije, na zahtjev Sudske policije dužan dostaviti dokaz o ispunjavanju uvjeta vezanih za posebnu zdravstvenu sposobnost, odnosno ljekarsko uvjerenje izdato od strane zdravstvene ustanove koju odredi Sudska policija iz kojeg proizilazi da je kandidat fizički i psihički sposoban za obavljanje poslova službenika Sudske policije (troškove ljekarskog pregleda snosi kandidat).

Kandidati koji ne pristupe popunjavanju sigurnosnog upitnika, kandidati za koje se utvrdi postojanje sigurnosne smetnje i kandidati koji ne dostave dokaz o ispunjavanju posebne zdravstvene sposobnosti, biti će isključeni iz daljnje procedure.

U slučaju da neko od prvobitno nominiranih kandidata ne ispuni prethodno opisane uslove, biti će izabran sljedeći kandidat sa liste koji ispunjava potrebne uslove i koji je po broju bodova rangiran kao sljedeći nakon zadnjeg kandidata koji je nominiran.

U postupku izbora kandidata, a u skladu sa odredbom člana 68. Zakona o sudskoj policiji voditi će se računa o nacionalnoj strukturi Sudske policije, s tim da niti jedna prijava neće biti izuzeta iz razmatranja na osnovu pola, rase, boje kože, jezika, religije, političkog ili drugog ubjeđenja ili socijalnog porijekla, pripadnosti nacionalnim manjinama, rođenja ili drugog statusa kandidata.

V

(Vrste testova koje kandidati polažu)

Kandidati koji blagovremeno dostave formalno ispravne prijave i dokažu da ispunjavaju uslove Javnog konkursa, dužni su pristupiti:

- a) Testu općeg znanja, uključujući i pisani rad - esej;
- b) Provjeri morfoloških karakteristika;
- c) Testu fizičke sposobnosti;
- d) Intervjuu.

Način testiranja, te kriteriji vrednovanja testova i intervjuu su utvrđeni odredbama Pravilnika o programu, kriterijima i sadržaju testiranja i intervjuu kandidata u postupku izbora kadeta u Sudsku policiju u Federaciji Bosne i Hercegovine („Službene novine Federacije BiH“, broj 28/22), koji je dostupan i na web stranici Sudske policije: <https://sudpol-fbih.pravosudje.ba/vstvfo/B/257/article/112001>.

VI

(Način obavješćavanja kandidata)

Komisija za izbor će prije procesa provjere i testiranja svim prijavljenim kandidatima odrediti šifru, sa kojom će biti upoznati prilikom neposredne predaje kovertirane prijave na Javni konkurs, a kandidati koji su prijavu na Javni konkurs poslali preporučenom poštom će o šifri biti upoznati putem e-maila ili telefona koji su naveli u prijavi na Javni konkurs.

O vremenu i mjestu provjere testa općeg znanja, morfoloških karakteristika, testa fizičkih sposobnosti i intervjuu, kandidati koji ispunjavaju propisane uslove i koji su na prethodnom testu ostvarili potreban eliminacioni prag, biti će obavješćeni putem web stranice Sudske policije - <http://sudpol-fbih.pravosudje.ba/>, oglasne table Sudske policije u zgradi

pravosudnih institucija Federacije BiH u Sarajevu, ulica Valtera Perića broj 15 Sarajevo i oglasnih tabli u sjedištima osnovnih organizacionih jedinica, tj. centara sudske policije u kantonima (u zgradama kantonalnih sudova na teritoriju Federacije BiH).

Kandidati su dužni postupati u skladu sa navedenim obavijestima Komisije za izbor, jer u slučaju nepostupanja po pomenutim obavijestima smatrat će se da je kandidat odustao od prijave na Javni konkurs.

U slučaju da u dostavljenim podacima postoje određene nejasnoće koje dovode Komisiju za izbor u dilemu oko ispunjavanja nekih propisanih uslova ovog Javnog konkursa, Komisija za izbor zadržava pravo da o spornim pitanjima službenim putem zatraži odgovarajuće pojašnjenje ili mišljenje nadležnog organa, kao i dostavu odgovarajućih akata kao dokaza.

VII (Obuka kadeta)

Nakon što u skladu sa odredbom člana 94. Zakona o sudskoj policiji direktor Sudske policije donese odluku o izboru kandidata - kadeta, izabrani kadet je dužan pristupiti i pohađati obuku za kadeta.

Sa svakim kandidatom će se prije početka obuke kadeta zaključiti ugovor o pravima i obavezama u toku trajanja obuke za kadete.

Obuka kadeta se provodi u skladu sa posebnim planom i programom obuke koji donosi direktor Sudske policije i ista će se provesti na Policijskoj akademiji Federalnog ministarstva unutrašnjih poslova u Sarajevu, a dio na praktičnoj obuci u okvirima organizacionih jedinica Sudske policije.

Kadet koji uspješno završi obuku za kadeta, se nakon davanja i potpisivanja izjave zakletve postavlja na radno mjesto službenika Sudske policije, dodjeljuje mu se čin „sudski policajac“ i određuje probni rad.

VIII (Druge napomene)

Ispunjavanje uslova iz tačke II stav b) ovog Javnog konkursa (životna dob) računa se na dan isteka roka za dostavljanje prijave (zatvaranja Javnog konkursa).

Relevantni rokovi za datum izdavanja, odnosno ovjere dokaza iz tačke III stav a), b) i c) ovog Javnog konkursa podrazumijeva da traženi dokaz o ispunjavanju potrebnog uvjeta nije stariji od tri mjeseca na dan isteka roka za dostavljanje prijave (zatvaranja konkursa).

Izjava iz tačke III stav e) ovog Javnog konkursa mora biti ovjerena nakon dana objave ovog Javnog konkursa u dnevnim novinama.

Kandidati prijavljeni na radno mjesto iz tačke I podtačke 1. ovog Javnog konkursa će u skladu sa upražnjenim radnim mjestima iz Pravilnika o unutrašnjoj organizaciji Sudske policije u Federaciji Bosne i Hercegovine, broj Su-sp-127-3/20 od 28.01.2021. godine, broj Su-sp-93/22 od 24.10.2022. godine, broj Su-sp-83-3/23 od 23.02.2023. godine i broj 070-0-Su-Sp-24-000032 od 25.07.2024. godine, a ovisno o rezultatima sa testova iz tačke V ovog Javnog konkursa, biti rapoređeni u jednu od osnovnih organizacionih jedinica sa sjedištem u Sarajevu.

DIREKTOR
Glavni generalni inspektor sudske policije

Dženad Grošo, mr. iur